

Na osnovu člana 6. stav (3) Zakona o privrednim društvima ("Službene novine Federacije BiH", broj 81/15), a u vezi sa čl. 21. i 23. Zakona o geološkim istraživanjima Federacije Bosne i Hercegovine ("Službene novine Federacije BiH", br. 9/10 i 14/10), federalni ministar energije, rudarstva i industrije donosi

PRAVILNIK

O ISPUNJAVANJU USLOVA PRIVREDNIH DRUŠTAVA ILI JAVNIH USTANOVA ZA OBAVLJANJE REGISTROVANE DJELATNOSTI IZ OBLASTI GEOLOŠKIH ISTRAŽIVANJA I ISPUNJAVANJU USLOVA ZA UPOTREBU I UVOĐENJE U PROCES RADA POSTROJENJA ZA ISTRAŽNO I EKSPLOATACIONO BUŠENJE, LABORATORIJA, GEOFIZIČKE I OSTALE OPREME ZA GEOLOŠKA ISTRAŽIVANJA I ISPITIVANJA

POGLAVLJE I. OPĆE ODREDBE

Član 1.

(Predmet pravilnika)

Ovim pravilnikom uređuju se uslovi za izdavanje rješenja o ispunjavanju uslova za obavljanje registrovane djelatnosti iz oblasti geoloških istraživanja i rješenja o ispunjavanju uslova za upotrebu i uvođenje u proces rada postrojenja za istražno i eksploataciono bušenje, laboratorija, geofizičke i ostale opreme za obavljanje djelatnosti iz oblasti geoloških istraživanja i ispitivanja na prostoru Federacije Bosne i Hercegovine, pregled privrednih društava ili javnih ustanova u smislu ispunjavanja uslova, troškovi postupka i način vođenja registra izdatih odobrenja, a u vezi sa čl. 21. i 23. Zakona o geološkim istraživanjima Federacije BiH (u daljem tekstu: Zakon).

POGLAVLJE II. ISPUNJAVANJE USLOVA ZA OBAVLJANJE REGISTROVANE DJELATNOSTI IZ OBLASTI GEOLOŠKIH ISTRAŽIVANJA

Član 2.

(Zahtjev)

- (1) Zahtjev za izdavanje rješenja o ispunjavanju uslova za obavljanje registrovane djelatnosti iz oblasti geoloških istraživanja, privredno društvo ili javna ustanova (u daljem tekstu: podnositelj zahtjeva) podnosi Federalnom ministarstvu energije, rudarstva i industrije (u daljem tekstu: Ministarstvo), u skladu sa članom 21. stav (3) Zakona.
- (2) Djelatnosti iz oblasti geoloških istraživanja iz stava (1) ovog člana su:
 - a) izrada programa i projekata osnovnih, regionalnih i detaljnih geoloških i eksploatacionih istraživanja,
 - b) izrada elaborata o izvedenim geološkim istraživanjima i ispitivanjima,
 - c) izrada izvještaja o izvedenim geološkim istraživanjima i ispitivanjima,
 - d) izrada tehničke dokumentacije vezano za geološka istraživanja i ispitivanja,
 - e) revizija projekata, programa, elaborata, izvještaja i druge tehničke geološke dokumentacije vezano za geološka istraživanja i ispitivanja,
 - f) rukovođenje i izvođenje istražnih radova na terenu (bušenje bušotina, geofizička istraživanja i ispitivanja i drugim istražnim radovima),
 - g) nadzor nad izvođenjem istražnih radova,
 - h) uzimanje uzoraka za analizu,
 - i) interpretacija analiza vezano za geološka istraživanja i ispitivanja.

- (3) Uz zahtjev iz stava (1) ovog člana podnositelj zahtjeva obavezan je priložiti sljedeću dokumentaciju:
 - a) rješenje o registraciji kod nadležnog suda,
 - b) spisak zaposlenih stručnih lica, propisan članom 21. stav (2) Zakona,
 - c) spisak opreme i instrumenata za geološka istraživanja (ukoliko podliježu atestiranju priložiti dokaze o izvršenom atestiranju),
 - d) dokaz o vlasništvu ili ovjereni ugovor o zakupu poslovnog prostora za obavljanje registrovane djelatnosti,
 - e) spisak općih akata i tehničke dokumentacije.
- (4) Zahtjev iz stava (1) ovog člana podnosi se na Obrascu br. 1., koji je sastavni dio ovog Pravilnika.

Član 3.

(Imenovanje stručne Komisije za pregled podnosioca zahtjeva)

- (1) Na osnovu zahtjeva iz člana 2. ovog Pravilnika ministar Federalnog ministarstva energije, rudarstva i industrije (u daljem tekstu: Ministar), u skladu sa članom 21. stav (4) Zakona, svojim rješenjem imenuje stručnu Komisiju za pregled podnosioca zahtjeva u smislu ispunjavanja uslova za obavljanje djelatnosti iz oblasti geoloških istraživanja.
- (2) Komisija iz stava (1) ovog člana je nezavisno tijelo koje nepristrasno i stručno vrši zadatke propisane ovim Pravilnikom.
- (3) U rješenju iz stava (1) ovog člana imenuje se voditelj upravnog postupka, koji izvršava sve radnje propisane Zakonom o upravnom postupku.
- (4) Rješenje iz stava (1) ovog člana obavezno sadrži:
 - a) sastav Komisije,
 - b) zadatke i obaveze pojedinačno svakog člana Komisije,
 - c) obavezu podnosioca zahtjeva da odredi ovlaštene osobe koje će prisustvovati radu stručne Komisije,
 - d) iznos i rok u kome je podnositelj zahtjeva dužan izvršiti uplatu na ime naknade troškova izazvane podnošenjem zahtjeva,
 - e) rok u kome je Komisija dužna izvršiti zadatak.

Član 4.

(Sastav stručne Komisije)

- (1) Komisija se sastoji od predsjednika i potrebnog broja članova koji se određuje na osnovu specijalnosti, složenosti i obima predmeta pregleda.
- (2) Na osnovu člana 21. stav (4) Zakona u Komisiju se imenuju stručna lica geološke struke i stručno lice pravne struke iz Ministarstva i jedan član Komisije geološke struke iz kantonalnog ministarstva nadležnog za geološka istraživanja na čijem prostoru je sjedište podnosioca zahtjeva.
- (3) Za predsjednika i jednog člana Komisije koji je ujedno i zapisničar imenuju se stručna lica geološke struke iz ministarstva, koji ispunjavaju uslove propisane članom 20. stav (2) Zakona.
- (4) Ostali članovi Komisije imenuju se sa liste stručnih lica za povremeni rad u stručnim Komisijama ministarstva (u daljem tekstu: lista stručnih lica).
- (5) Ukoliko kantonalno ministarstvo iz stava (2) ovog člana nema zaposleno stručno lice geološke struke onda se član Komisije bira sa liste stručnih lica.

Član 5.

(Zadatak stručne Komisije)

- (1) Predsjednik Komisije u dogovoru sa podnosiocem zahtjeva i članovima stručne Komisije zakazuje datum pregleda podnosioca zahtjeva u smislu ispunjavanja uslova iz stava (2) ovog člana.

- (2) Zadatak Komisije je da uvidom na licu mjesta u opća akta društva (statut, rješenje o registraciji, obavještenje o razvrstavanju pravnog lica prema klasifikaciji djelatnosti, Pravilnik o unutrašnjoj organizaciji društva, Pravilnik o radu, Pravilnik o zaštiti na radu, Pravilnik o zaštiti od požara, Uputstvo o pružanju prve pomoći i druga opća akta koja posjeduju podnosilac zahtjeva, ovisno o vrsti djelatnosti), tehničku dokumentaciju (Ugovori o poslovno-tehničkoj ili naučnoj saradnji, Ugovor o organizovanju i vođenju poslova iz oblasti poslova zaštite na radu, izvještaji o izvršenoj obuci i provjeri znanja iz oblasti zaštite na radu, protupožarne zaštite i pružanje prve pomoći i druga tehnička dokumentacija koju posjeduju podnosilac zahtjeva, ovisno o vrsti djelatnosti), kadrovsku i stručnu osposobljenost zaposlenika (Ugovor o radu, obrazac prijave, diploma, Uvjerenje o položenom stručnom ispitu, Uvjerenja o izvršenoj obuci i usavršavanju), tehničku opremljenost, opremu za geološka istraživanja, sredstva rada, radne i pomoćne prostorije, utvrdi da li podnosilac zahtjeva ispunjava zakonom propisane uslove za obavljanje registrovane djelatnosti iz oblasti geoloških istraživanja iz člana 2. stav (2) ovog Pravilnika.
- (3) Nakon izvršenog pregleda Komisija sačinjava zapisnik u kome se unose svi relevantni podaci, zapažanja, eventualne primjedbe i nedostaci,
- (4) U zapisniku se daje rok za otklanjanje eventualnih nedostataka u kojem je podnosilac zahtjeva dužan iste otkloniti i o tome pismeno obavijestiti Komisiju.
- (5) Zapisnik potpisuju svi članovi Komisije i ovlaštene osobe ispred podnosioca zahtjeva koje su prisustvovalе radu stručne Komisije.

Član 6.

(Rješenje o ispunjavanju uslova za obavljanje registrovane djelatnosti iz oblasti geoloških istraživanja)

- (1) Rješenje kojim se utvrđuje da podnosilac zahtjeva ispunjava uslove za obavljanje registrovane djelatnosti iz oblasti geoloških istraživanja sadrži:
- naziv privrednog društva ili javne ustanove kojemu se izdaje rješenje,
 - razrede prema Klasifikaciji djelatnosti Bosne i Hercegovine, za koje podnosilac zahtjeva ispunjava uslove,
 - spisak zaposlenih stručnih lica, u skladu sa članom 21. stav (2) Zakona,
 - obrazloženje,
 - pouku o pravnom lijeku.

POGLAVLJE III.

ISPUNJAVANJE USLOVA ZA UPOTREBU I UVOĐENJE U PROCES RADA POSTROJENJA ZA ISTRAŽNO I EKSPLOATACIONO BUŠENJE, LABORATORIJA, GEOFIZIČKE I OSTALE OPREME ZA OBAVLJANJE DJELATNOSTI IZ OBLASTI GEOLOŠKIH ISTRAŽIVANJA I ISPITIVANJA

Član 7.

(Zahtjev)

- (1) Zahtjev za izdavanje rješenja o ispunjavanju uslova za upotrebu i uvođenje u proces rada postrojenja za istražno i eksploataciono bušenje, laboratorija, geofizičke i ostale opreme za obavljanje djelatnosti iz oblasti geoloških istraživanja i ispitivanja (u daljem tekstu: oprema za geološka istraživanja), na prostoru Federacije Bosne i Hercegovine, podnosi privredno društvo ili javna ustanova ovom Ministarstvu u skladu sa članom 23. stav (2) Zakona.
- (2) Oprema za geološka istraživanja iz stava (1) ovog člana podrazumijeva:

- postrojenja za istražno i eksploataciono bušenje i sondiranje, sa pripadajućim alatom i opremom,
 - laboratorije kojim se ispituju geološka svojstva tla, stijena i mineralnih sirovina,
 - geofizičku opremu (opremu za seizmička, geoelektrična, georadarska, karotажna i druga geofizička oprema),
 - ostalu opremu koja služi za geološka istraživanja.
- (3) Uz zahtjev iz stava (1) ovog člana podnosilac zahtjeva obavezan je priložiti sljedeću dokumentaciju:
- rješenje o registraciji kod nadležnog suda,
 - spisak opreme za geološka istraživanja koja je predmet pregleda i za koju se traži odobrenje za upotrebu i uvođenje u proces rada (ukoliko podliježu atestiranju priložiti dokaze o izvršenom atestiranju),
 - dokaz o porijeklu i vlasništvu opreme za geološka istraživanja,
 - zapisnik o stručnom nalazu i upotrebnu dozvolu za opremu za geološka istraživanja, izdatu od ovlaštene institucije,
 - tehnička uputstva za opremu za geološka istraživanja,
 - spisak kadrova koji ispunjavaju uslove u pogledu stručne spremljenosti i radnog iskustva iz člana 20. i 54. Zakona,
 - spisak ostalih zaposlenika, osposobljenih za rad sa opremom za geološka istraživanja,
 - dokaz o vlasništvu ili ovjereni ugovor o zakupu poslovnog prostora za obavljanje registrovane djelatnosti,
 - spisak općih akata i tehničke dokumentacije.
- (4) Zahtjev iz stava (1) ovog člana podnosi se na obrascu br. 2, koji je sastavni dio ovog Pravilnika.

Član 8.

(Imenovanje stručne Komisije za pregled podnosioca zahtjeva)

- (1) Na osnovu zahtjeva iz člana 7. ovog Pravilnika, Ministar svojim rješenjem imenuje stručnu Komisiju za pregled podnosioca zahtjeva u smislu ispunjavanja uslova za uvođenje u proces rada opreme za geološka istraživanja.
- (2) Komisija iz stava (1) ovog člana je nezavisno tijelo koje nepristrasno i stručno vrši zadatke propisane ovim Pravilnikom.
- (3) U rješenju iz stava (1) ovog člana imenuje se voditelj upravnog postupka, koji izvršava sve radnje propisane Zakonom o upravnom postupku.
- (4) Rješenje iz stava (1) ovog člana obavezno sadrži:
- sastav Komisije,
 - zadatke i obaveze pojedinačno svakog člana Komisije,
 - obavezu podnosioca zahtjeva da odredi ovlaštene osobe koje će prisustvovati radu stručne Komisije,
 - iznos i rok u kome je podnosilac zahtjeva dužan izvršiti uplatu na ime naknade troškova izazvane podnošenjem zahtjeva,
 - rok u kome je Komisija dužna izvršiti zadatak.

Član 9.

(Sastav stručne Komisije)

- (1) Komisija se sastoji od predsjednika i potrebnog broja članova koji se određuje na osnovu specijalnosti, složenosti i obima predmeta pregleda opreme za geološka istraživanja.
- (2) Za predsjednika i jednog člana Komisije koji je ujedno i zapisničar imenuju se stručna lica geološke struke iz ministarstva, koji ispunjavaju uslove propisane članom 20. stav (2) Zakona.

- (3) Ostali članovi Komisije imenuju se sa liste stručnih lica.
 (4) Član Komisije mašinske ili elektro struke imenuje se sa liste za povremeni rad u stručnim Komisijama iz oblasti rudarstva.

Član 10.

(Zadatak stručne Komisije)

- (1) Predsjednik Komisije u dogovoru sa podnosiocem zahtjeva i članovima stručne Komisije zakazuje datum pregleda podnosioca zahtjeva i opreme za geološka istraživanja u smislu ispunjavanja uslova iz stava (2) ovog člana.
 (2) Zadatak Komisije je da uvidom na licu mjesta u opća akta društva (statut, rješenje o registraciji, obavještenje o razvrstavanju pravnog lica prema klasifikaciji djelatnosti, Pravilnik o unutrašnjoj organizaciji društva, Pravilnik o radu, Pravilnik o zaštiti na radu, Pravilnik o zaštiti od požara, Uputstvo o pružanju prve pomoći i druga opća akta koju posjeduje podnositelj zahtjeva, ovisno o vrsti opreme za geološka istraživanja), tehničku dokumentaciju (Ugovori o poslovno-tehničkoj ili naučnoj saradnji, Ugovor o organizovanju i vođenju poslova iz oblasti zaštite na radu, izvještaji o izvršenoj obuci i provjeri znanja iz oblasti zaštite na radu, protupožarne zaštite i pružanje prve pomoći, Izvještaj o stanju zaštite na radu i protupožarne zaštite, Zapisnik o stručnom nalazu i Upotrebna dozvola za opremu za geološka istraživanja, održavanje i servisiranje bušačkih garnitura i dijelova pripadajuće opreme i alata, dokumentacija o pregledu, održavanju, servisiranju i uputstvu za korištenje protupožarnih aparata na opremi za geološka istraživanja, uputstvo o ponašanju radnika u slučaju požara i druga tehnička dokumentacija koju posjeduje privredno društvo, ovisno o vrsti opreme za geološka istraživanja), kadrovsku i stručnu osposobljenost zaposlenih za rad sa opremom (Ugovor o radu, Obrazac prijave, Diploma, Uvjerenje o položenom stručnom ispitu, Uvjerenja o izvršenoj obuci i usavršavanju, dokaz o izvršenoj obuci zaposlenika na opremi za geološka istraživanja), tehničku opremljenost, sredstva rada, radne i pomoćne prostorije, periodične tehničke preglede opreme i da li se njenim radom ugrožava okolina, život i zdravlje građana i zaposlenika, utvrdi da li oprema ispunjava uslove za upotrebu i uvođenje u proces rada za obavljanje djelatnosti iz oblasti geoloških istraživanja u skladu sa propisima, mjerama i normativima zaštite na radu i obaveznim standardima.
 (3) Nakon izvršenog pregleda Komisija sačinjava zapisnik u kome se unose svi relevantni podaci, zapažanja, eventualne primjedbe i nedostaci.
 (4) U zapisniku se daje rok za otklanjanja eventualnih nedostataka u kojem je podnositelj zahtjeva dužan iste otkloniti i o tome pismeno obavijestiti Komisiju.
 (5) Zapisnik potpisuju svi članovi Komisije i ovlaštene osobe ispred podnosioca zahtjeva koje su prisustvovala radu stručne Komisije.

Član 11.

(Rješenje o ispunjavanju uslova za upotrebu i uvođenje u proces rada opreme za geološka istraživanja)

- (1) Rješenje kojim se utvrđuje da podnositelj zahtjeva ispunjava uslove za upotrebu i uvođenje u proces rada opreme za geološka istraživanja sadrži:
 a) naziv privrednog društva ili javne ustanove kome se izdaje odobrenje,
 b) spisak opreme za geološka istraživanja sa tehničkim karakteristikama za koju se odobrava upotreba i uvođenje u proces rada,

- c) odobrene razrede prema Klasifikaciji djelatnosti Bosne i Hercegovine, koji se odnose na geološka istraživanja,
 d) spisak zaposlenih stručnih lica iz člana 20. Zakona i ostala stručna lica osposobljena za rad na opremi za geološka istraživanja,
 e) obrazloženje,
 f) pouku o pravnom lijeku.

Član 12.

(Geološka djelatnost koja se odobrava rješenjem o ispunjavanju uslova za upotrebu i uvođenje u proces rada opreme za geološka istraživanja)

Privrednom društvu ili javnoj ustanovi koje ima zaposlenog jednog geologa koji ispunjava uslove iz člana 20. Zakona, u rješenju o ispunjavanju uslova za upotrebu i uvođenje u proces rada opreme za geološka istraživanja mogu se odobriti geološke djelatnosti iz člana 2. stav (2) alineja c), f), h) i i) ovog Pravilnika.

Član 13.

(Prijava promjena nastalih nakon izdavanja odobrenja)

Privredno društvo ili javna ustanova kome je izdato rješenje iz člana 6. i 11. ovog Pravilnika, dužno je svaku promjenu po pitanju zaposlenika, opreme za geološka istraživanja, statusa privrednog društva (promjene naziva, adrese, vlasničke strukture i sl.), nastalu nakon izdavanja odobrenja obavijestiti Ministarstvo i nadležni inspeksijski organ, u roku od osam dana od dana promjene.

POGLAVLJE IV. PREGLED PRIVREDNIH DRUŠTAVA I/ILI JAVNIH USTANOVA

Član 14.

(Pregled privrednih društava ili javnih ustanova)

Pregled privrednih društava i/ili javnih ustanova, kojima je izdato odobrenje u skladu sa članom 6. i 11. ovog Pravilnika, na prijedlog Ministarstva ili u redovnom inspeksijskom pregledu u skladu sa svojim ovlaštenjima, vršit će Federalni geološki inspektor.

POGLAVLJE V. TROŠKOVI POSTUPKA

Član 15.

(Troškovi postupka)

- (1) Predsjedniku i članovima Komisije iz člana 3. i 8. ovog Pravilnika pripada naknada za rad koju snosi podnositelj zahtjeva, u skladu sa članom 21. stav (5) Zakona.
 (2) Visina naknade za rad Komisije za pregled podnosioca zahtjeva u smislu ispunjavanja uslova za obavljanje djelatnosti iz oblasti geoloških istraživanja i Komisije za pregled podnosioca zahtjeva u smislu ispunjavanja uslova za uvođenje u proces rada opreme za geološka istraživanja (u daljem tekstu: naknada), te visina naknade na ime uplate troškova u Budžet Federacije Bosne i Hercegovine, određuje se rješenjem o formiranju stručne Komisije iz člana 3. i 8. ovog Pravilnika.
 (3) Visina naknade utvrđuje se na osnovu broja norma sati i vrijednosti norma sata rada stručnog lica geološke struke.
 (4) Vrijednost norma sata donosi ministar svojim rješenjem.
 (5) Broj norma sati pojedinog člana Komisije za obavljanje poslova iz člana 5. i 10. ovog pravilnika određuje se na osnovu složenosti pregleda.
 (6) U skladu sa članom 116. Zakona o upravnom postupku, stručnoj Komisiji iz stava (1) ovog člana pripada naknada za troškove putovanja i izdatke izazvane boravljenjem u mjestu radi izvršenja zadataka, koji se obračunavaju u skladu sa važećom Uredbom o naknadama troškova za službena putovanja u Federaciji BiH.

**POGLAVLJE VI.
REGISTAR IZDATIH RJEŠENJA**Član 16.
(Registar)

- (1) Ministarstvo vodi registar izdatih rješenja iz člana 6. i 11. ovog Pravilnika, koji se objavljuju na internet stranici Ministarstva.
- (2) Registar izdatih rješenja vodi se na obrascu br. 3., koji je sastavni dio ovog Pravilnika.
- (3) Registar se ažurira svakih 6 mjeseci.

**POGLAVLJE VII.
ZAVRŠNE ODREDBE**Član 17.
(Završne odredbe)

Ovaj Pravilnik stupa na snagu osmog dana od objave u "Službenim novinama Federacije BiH".

Broj 06-02-2139/19
16. januara 2020. godine

Ministar
Nermin Džindić, s. r.

Podnosilac zahtjeva - logo

Broj:

Datum:

Obrazac broj 1.

Federalno ministarstvo energije,
rudarstva i industrije
Alekse Šantića bb
88 000 Mostar
Sektor Rudarstva

Odsjek za geologiju**Predmet: Zahtjev za izdavanje rješenja o ispunjavanju uslova za obavljanje registrovane djelatnosti iz oblasti geoloških istraživanja**

U skladu sa članom 21. stav (3) Zakona o geološkim istraživanjima Federacije BiH („Službene novine Federacije BiH”, br. 09/10 i 14/10) i članom 2. Pravilnika o ispunjavanju uslova privrednih društava ili javnih ustanova za obavljanje registrovane djelatnosti iz oblasti geoloških istraživanja i ispunjavanju uslova za upotrebu i uvođenje u proces rada postrojenja za istražno i eksploataciono bušenje, laboratorija, geofizičke i ostale opreme za geološka istraživanja i ispitivanja, dostavljamo Vam Zahtjev za izdavanje rješenja o ispunjavanju uslova za obavljanje registrovane djelatnosti iz oblasti geoloških istraživanja na prostoru Federacije Bosne i Hercegovine.

Uz zahtjev dostavljamo:

- a) rješenje o registraciji kod nadležnog suda,
- b) spisak zaposlenih stručnih lica, propisan članom 21. stav (2) Zakona,
- c) spisak opreme i instrumenata za geološka istraživanja (ukoliko podliježu atestiranju priložiti dokaze o izvršenom atestiranju),
- d) dokaz o vlasništvu ili ovjereni ugovor o zakupu poslovnog prostora za obavljanje registrovane djelatnosti
- e) spisak općih akata i tehničke dokumentacije.

Mjesto i datum:

M.P.

Podnosilac zahtjeva:

Podnosilac zahtjeva - logo
Broj:
Datum:

Образак број 2.

Federalno ministarstvo energije, rudarstva i industrije
Alekse Šantića bb
88 000 Mostar
Sektor Rudarstva

Odsjek za geologiju

Predmet: Zahtjev za izdavanje rješenja o ispunjavanju uslova za upotrebu i uvođenje u proces rada _____

navesti opremu

za obavljanje djelatnosti iz oblasti geoloških istraživanja na prostoru Federacije BiH.

U skladu sa članom 23. stav (2) Zakona o geološkim istraživanjima Federacije BiH („Službene novine Federacije BiH”, br. 09/10 i 14/10) i članom 7. Pravilnika o ispunjavanju uslova privrednih društava ili javnih ustanova za obavljanje registrovane djelatnosti iz oblasti geoloških istraživanja i ispunjavanju uslova za upotrebu i uvođenje u proces rada postrojenja za istražno i eksploataciono bušenje, laboratorija, geofizičke i ostale opreme za geološka istraživanja i ispitivanja, dostavljamo Vam Zahtjev za izdavanje rješenja o ispunjavanju uslova za upotrebu i uvođenje u proces rada

navesti opremu

za obavljanje djelatnosti iz oblasti geoloških istraživanja na prostoru Federacije Bosne i Hercegovine.

Uz zahtjev dostavljamo:

- a) rješenje o registraciji kod nadležnog suda,
- b) spisak opreme za geološka istraživanja koja je predmet pregleda i za koju se traži odobrenje za upotrebu i uvođenje u proces rada (ukoliko podliježu atestiranju priložiti dokaze o izvršenom atestiranju),
- c) dokaz o porijeklu i vlasništvu opreme za geološka istraživanja,
- d) zapisnik o stručnom nalazu i upotrebna dozvola za opremu za geološka istraživanja, izdata od ovlaštene institucije,
- e) tehnička uputstva za opremu za geološka istraživanja,
- f) spisak kadrova koji ispunjavaju uslove u pogledu stručne spreme i radnog iskustva iz člana 20. i 54. Zakona,
- g) spisak ostalih zaposlenika, osposobljenih za rad sa opremom za geološka istraživanja,
- h) dokaz o vlasništvu ili ovjereni ugovor o zakupu poslovnog prostora za obavljanje registrovane djelatnosti,
- i) spisak općih akata i tehničke dokumentacije.

Mjesto i datum:

M.P.

Podnosilac zahtjeva:

Образец број 3.

Регистар издатих рјешења

Регистар издатих рјешења о испуњавању услова за обављање регистроване дјелатности из области геолошких истраживања на простору БиХ		Регистар издатих рјешења о испуњавању услова за употребу и увођење у процес рада опреме за геолошка истраживања на простору БиХ									
1 Назив привредног друштва/јавне установе	2 Адреса	3 Контакт	4 Одговорно лице	5 Број и датум издавања рјешења о испуњавању услова за обављање регистроване дјелатности из области геолошких истраживања на простору БиХ	6 Шифре дјелатности	7 Опрема за геолошка истраживања			8-10 Карактеристике		11 Број и датум издавања Рјешења о испуњавању услова за употребу и увођење у процес рада опреме за геолошка истраживања на простору БиХ
						8 Дубина бушења (m)	9 Пречник Ø (m)	10 Остале карактеристике			
1	2	3	4	5	6	7	8	9	10	11	